

河南通志

河南通志

河南通志卷之五十八

人物二

歸德府

漢灌嬰睢陽人從高帝起豐沛伐秦隸立戰功及帝卽位賜邑三千戶封穎陰侯後兵困彭越諸呂迎立文帝以功進太尉丞相卒謚懿侯

韓安國字長孺臨陽人事梁孝王爲中大夫吳楚反王使安國爲將扞吳兵後武帝召爲北地都尉累遷御史大夫

平當字子思下邑人以明經爲博士累官大中大夫哀帝卽位徵爲光祿大夫位至丞相賜爵關內侯子

晏亦以明經歷位大司徒封防鄉侯

仇覽一名香字季智考城人嘗爲蒲亭長有陳元者其母詣覽愬元不孝覽適其家陳人論孝行元感泣卒成孝子考城令王湛聞之署覽爲主簿後謝遣入太學學成歸鄉里州郡並請召以疾辭雖在宴居必以禮自整妻子有過輒免冠自責妻子庭謝候覽冠乃敢升堂家人莫見喜怒聲色之異從微方正遇疾卒三子皆有文史少子元景知名

史弼字公謙考城人少能學聚徒數百初辟公府遷北軍中候桓帝時上書言渤海王怪不法事驗拜尚書出爲平原相時詔書下舉鈞黨詣郡望風誣陷甚

衆獨弼無所上從事奏弼歎曰下獄會黨禁解贖免
何休薦弼有幹國器徵拜議郎出相彭城以病卒
桓典字公雅龍亢人舉孝廉爲郎會國相王吉以罪
被誅故人親戚莫敢至者典獨棄官收斂歸葬爲立
祠盡禮而去辟司徒袁隗府拜侍御史時宦官秉權
典執政無所回避常乘驄馬京師畏憚爲之語曰行
行且止避驄馬御史獻帝卽位拜御史中丞賜爵關
內侯遷光祿勳卒於官

桓奕龍亢人典從弟尤修志介仕爲郡功曹嘗舉孝
廉有道方正茂才三公並辟皆不應初平中避地客
交趾越人化其節至閭里不爭訟後爲凶人所誣死

河南通志 卷之五十八
合浦獄

橋元字公祖梁國睢陽人少爲縣功曹豫州刺史周景行部到梁國元謁景因言陳相羊昌罪惡乞爲部從事窮案其事梁冀馳檄救之景承旨召元元還檄不發案之益急昌坐檻車徵元由是著名舉孝廉官至太尉初曹操微時人無知者嘗往候元元見而異之曰今天下將亂安生民者其在君乎曹感其知己後經元墓自爲文祭之

衛茲字子許襄邑人少有大節不應三公辟曹操初至陳留與語大異之由是數詣茲議事從討董卓戰於滎陽而卒操每涉郡境輒遣使祀焉

三國薊臻字公振襄邑人茲子仕魏以父勲賜爵關內侯黃初初羣臣多頌魏德非損前朝臻獨明禪授之議稱揚漢美帝珍重之遷侍中吏部尚書明帝立封康鄉侯累遷司徒進爵長垣侯屢上疏乞遜位下詔褒美卒贈太尉謚曰敬侯子烈嗣

梁習字子虞陳郡柘人漢末爲并州刺史入魏封申門亭侯政治爲天下最太和初徵拜大司農習在州二十餘年而居處貧窮無方面珍物卒子施嗣

典韋已吾人膂力過人曹操拜爲都尉引置左右軍中語曰帳下壯士有典君提一雙戟八十斤後從操討張繡拒戰而死歸葬襄邑拜子滿爲郎中操每過

輒祀以少牢

晉蔡克字子尼考城人世爲著姓克少好學博涉羣書丞相擢爲東曹掾克素有格量及居選官苟進之徒望風畏憚河內山簡嘗以今之正人稱之後以病乞歸及東瀛公騰爲車騎將軍鎮河北辟克爲從事中郎知必不就以軍期致之克不得已至數十日騰爲及桑所攻城陷克見害

陳頴字延思梁國苦人少好學有文義初任爲郡督郵檢獲隱匿者三千人州尋辟部從事齊王冏起義遣頴將兵赴之拜駙馬都尉元帝初遷鎮東行參軍事典法兵二曹頴以孤寒數有奏議朝士多惡之後

晉天門太守殊俗安之選腹心吏爲荊州叅軍若有
調發動靜馳白故恒得宿辦陶侃以爲能表爲梁州
刺史

蔡謨字明道考城人克子弱冠舉孝廉元帝時爲中
書侍郎歷遷侍中蘇峻構逆以謨爲吳國內史及峻
平賜爵濟陽男拜征北將軍所統七千餘人鎮守八
所隨宜防備甚有算畧遷侍中司徒卒謚文穆子二
郡永嘉太守系撫軍長史

南北朝蔡廓字子度考城人謨曾孫博涉羣書仕晉爲
著作郎宋武帝時遷爲太尉從事中郎未拜遭母憂
三年不櫛沐殆不勝喪後補御史中丞多所糾奏百

僚震肅累遷祠部尚書廓年位並輕爲時流所推重
奉兄軌如父家事大小皆諮而後行及卒帝嘗云蔡
廓可謂平世三公

江湛字徽深考城人明文義算術事親以孝聞仕宋
爲太子中舍人義康之盛人競求昵惟湛自疎出爲
五陵內史元嘉中徵爲侍中累遷吏部尚書家甚貧
不營財利餉饋盈門一無所受論者以此稱焉

江敷字叔文考城人湛孫少有美譽尚宋孝武帝女
臨汝公主拜駙馬都尉爲丹陽丞時袁粲爲尹見敷
嘆曰風流不墜政在江郎敷與宴賞遷中書郎敷庶
祖母王氏老疾敷視膳嘗藥七十餘日不解衣及累

居內官每以侍養陳請朝廷優其正直永明中爲竟陵王司馬敦好文辭爲朝貴中最累官侍中領國子祭酒諡曰敬子子禱有孝行官至尚書吏部郎領右軍諡曰肅

蔡興宗考城人廓于行已恭恪事宗姑寡嫂養

子有聞於世仕宋累官吏部尚書封樂安縣伯及卒遺命薄葬奏還封爵追贈子順有父風官太尉從事中郎

江秉之字元叔考城人少孤撫育弟妹甚篤仕宋歷烏程建康山陰令皆有政績累官新安臨海太守所至以簡約見稱在郡嘗作一書案去官留以付庫

江悅之字彥和考城人好讀兵書有將畧仕宋歷諸
王叅軍入梁以討滅劉季連功進冠軍將軍卒贈梁
州刺史追封安平縣子諡曰莊子二文遙仕至咸陽
太守文達位中散大夫龍驤將軍

蔡搏字景節考城人興宗子少方雅退默仕齊爲給
事黃門侍郎丁母憂服闋除太子中庶子太尉長史
皆不就入梁爲吳興太守止飲郡井齋前白種白莧
紫茄以爲常餌詔褒其清天監中累遷吏部尚書仕
至中書令卒諡曰康

李彥字彥士夏邑人少有節操好學慕古仕梁爲戶
部郎中封平陽縣子人陳拜尚書左丞彥在官十有

五載留心省閤斷決如流時人莫不歎其公勤累遷
兵部尚書進爵爲伯卒諡曰敬子昇明仕隋終齊州
刺史

唐盛彥師虞城人隋末爲澄城長高祖兵至汾陽彥師
率賓客上謁授行軍總管鎮宜陽以斬李密功封葛
國公歷遷宋州總管及徐圓朗反高祖詔爲安撫大
使戰敗爲賊所執圓朗厚待之令作書招其弟使舉
虞城牧彥師爲書吾奉使無狀爲賊擒誓死報國若
宜善事毋勿以我爲念圓朗笑曰壯士也置之及圓
朗平彥師還

鄭惟忠永城人天授中以制舉召見武后問舉者何

所事爲忠惟忠曰外揚君之美內正君之惡后曰善
中宗立擢黃門侍郎時禁嶺南人戶不得蓄兵惟忠
曰善爲政者因其俗禁之得無擾乎乃止授御史大
夫持節賑給河北道且許黜陟守宰還奏稱旨封榮
陽縣男遷太子賓客卒贈太子少保

魏元忠宋城人爲太學生少學兵術高宗時吐蕃數
寇邊元忠上封事言命將用兵之要高宗善之授秘
書省正字遷監察御史武后時爲御史中丞張易之
兄弟勢傾朝廷元忠奏曰臣承先帝之顧且受陛下
厚恩不能竭忠使小人在側臣之罪也易之等恨怒
卽共譖誣之貶高要尉中宗復位召遷兵部尚書進

侍中封齊國公及卒諡曰貞互見名宦志

朱敬則字少連永城人志尚恢博好學重節義累官同鳳閣鸞臺平章事每以用太爲先細務不省以直忤時出爲鄆州刺史敬則與二從昆弟同居四十年貲產無異卒贈秘書監諡曰元

五代袁象先夏邑人父敬初梁太祖時尚大長公主象先以梁甥累遷至龍武將軍友珪篡立末帝留守東都象先聞之卽引率軍千人入洛陽宮攻殺友珪末帝卽位大梁拜象先同中書門下平章事後進平盧軍節度使徙鎮宣武卒贈太師二子正辭官至剡使義江司馬橫海軍節度使

華溫琪字德潤夏邑人仕梁爲開道指揮使歷將
二州刺史時祿州苦河本爲患溫琪徙新州以避之
民賴全活者甚衆入後唐拜鎮國軍節度使廢帝時
以太子太保致仕

張延蘊襄邑人仕後唐常從莊宗征伐必先登力戰
金瘡滿體莊宗壯之以爲指揮延蘊侯後以平李繼
勳功遷羽林都指揮使左監門衛上將軍晉開運中
以疾卒性廉重仕歷剌七州卒之日家無餘貲

張誼字希賈襄邑人幼孤好學語父使督耕隴上見
其閱書樹下詎辱之誼遂潛詣洛陽龍門書院刻志
勵學唐長興中舉進士入晉累官中書舍人初和凝

拜端明殿學士署門不接賓客諸閤即取書於凝以
爲四方利害所宜詢訪若不接賓客聾瞽耳目世虧
職業疑大奇之

宋劉熙古字義淳寧陵人博通經史旁究陰陽家緯等
書唐長興中擢第補夏邑令入宋累遷參知政事雖
責顯不改寒素以疾求解拜戶部尚書致仕
僕射所著有歷代紀要十五卷

楚昭輔字拱辰宋城人有才幹善心計初隸太祖麾下
陳橋推戴時遣入京安母后累官樞密使在勤介
人不敢于以私卒贈侍中從孫隨咸皆進士及第
張去華字信臣襄邑人諡子幼勵學敏於屬詞建隆